



Indgået

27 JUNI 2018

Inatsisartuni ilaasortaq Jens Napātök'
Partii Naleraq
/ Maani

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

Illuliortiterneq pillugu § 37 naapertorlugu apeqquteqaammut 2018-111-imut akissut

20-06-2018
Suliaq normu: 2018-13077
Allakkiaq normu: 30975437

Asasara Jens

Inatsisartut suleriaasianni § 37 naapertorlugu apeqquteqaatinut nassiuassannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. 2009-imiik 2013-imut sanaartornermut aningaasaliissutaasimasut qassit Nuuk-mi sanaartugassanut atorineqarsimappat?

AKISSUT: Taakku ukiumoortumik Aningaasanut Inatsimmi aamma llassutissatut Aningaasaliissutissanut Inatsisini allassimasarput, sanaartugassanut takussutissiat illoqarfinnut agguarlugit allassimasarlutik.

2. Illoqarfinnut isorliunerusunut 2009-imiik 2013-imut sanaartornermut aningaasaliissutaasimasut qassiusimappat?

AKISSUT: Apeqqut 1-imut akissut takuuk.

3. 2009-imiik 2013-imut sanaartornermi aningaasaliiffiqineqartumi kalaallit nunaqavissut suliffeqarfiutillit sanaartugassanut suliakkerneqarsimappat?

AKISSUT: Aap. Pisortat sanaartugassaataat Kalaallit Nunaanni inuussutissarsiummik ingerlataqarneq pillugu Inatsisartut inatsissaat nr. 12, 12. november 2001-imeersoq taamani atuuttusoq naapertorlugu tunniunneqartarsimapput.

4. Sineriammi Palasit illui aserfallatsaaliniarlugit nutarsarniarlugilluunniit qassit aningaasaliiffiqineqarsimappat?

AKISSUT: Ilisimatitsissutigisinnaavara, palasit illui Namminersorlutik Oqartussat illuutaannut ilaqutariinnut ataatsinut inissianut immikkoortortamut, A/S Inissiaatileqatigiiffik INI-mit aquanneqartumut ilaammata.

Apeqqut arlaatigut killiliinermut, soorlu ukiunut piffissanulluunniit aalajangersimasunut imaqqanngimmat, tamatumunnga akissut nassuiaataaneruvoq. Paasininnera tunngavigalugu apeqqut manna Naalakkersuisut apeqqutininik suliaqartarnerannut maleruagassat, Inatsisartut Suleriaasianni allassimasut avataanniippoq.

Taamaattumik Inatsisartut suleriaasianni § 37, imm. 2 naapertorlugu nalunaarutigissavara, Naalakkersuisut apeqqummut matumunnga akissuteqarsinnaanatik isumaqarmata.

5. Sineriammi ilinniartitsisut illui atorfeqartitaanertik tunngavigalugu qassit aningaasaliiffiqarsimappat aammalu illoqarfiit sorliit?

AKISSUT: Apeqquut kommunip susassaqaqfigimmagu, taamatullu kommunip illuutaasa iluanni ilinniartitsisunut inissianik agguasaasarnermut tunngasuummat, Naalakkersuisut apeqquummut matumunnga akissuteqarnissamut periarfissaqaqngillat. Kiisalu apeqquut 4-mut akissut innersuussutigineqarpoq.

6. Atorfillit atorfeqarnertik tunngavigalugu illoqartinneqartut qassit aserfallatsaaliineqarlutik qassinillu aningaasaliiffiqarsimappat aammalu illoqarfiit sorliit?

AKISSUT: Apeqqutinut nr. 4-mut aamma 5-imut akissutit innersuussutigineqarput.

7. Nunaqarfinni ajoqit, ilinniartitsisut imaluunniit atorfillit illoqartinneqarpata aserlaffatsaaliinermut aningaasat qassit atorneqarsimappat aammalu sumi aserfallatsaaliisoqarsimava?

AKISSUT: Apeqqutinut nr. 4-mut aamma 5-imut akissutit innersuussutigineqarput.

Kiisalu ilisimatitsissutigisinnaavara, Naalakkersuisunut allagaq ammasoq ilaliunneqartoq immikkut akissuteqarfigineqassammat. Tamatuma peqatigisaanik ilisimatitsissutigisinnaavara, palasinut inissiat pillugit allagaq ilaliunneqartoq Ilinniartitaanermut, Kultureqarnermut Ilageeqarnermullu Naalakkersuisoqarfimmut ingerlateqqinneqarmat.

Inussiarnersumik inuulluaqqusillunga


Simon Simonsen